

寿序类

文澜先生暨德配王太君六秩双寿序

去长乐东五里许智峰下有隐君子焉其姓向氏其字文澜其居山之麓
汨水环其前其山其水盖皆自幕阜蜿蜒而来者也其人生于其间甚樸
实有识为薄得山水性情之正其配氏王贤淑而善相其夫凡世所称为
梁孟者当亦不是过矣其享春秋今皆六秩而乡里文士有李犹龙等金
谋祝嘏既以义笃梓桑悬额赠復问补叙于予予曰可予考古乡饮酒谋
宾介敘高年见于礼经詠于诗而言寿者颇不乏人其文郎福皆又为言
曰吾父母先后皆週甲矣乡里金谋介霆福皆兄弟未敢却因请纪其实
福皆于是告予曰吾父先是席王父遗产不多幼能自立与吾母勤劳节
约内外撑持遂得称为小康其奉王父母也生事敬顺治丧尽礼悯吾伯
父歿后之无嗣也毅然以吾弟兼祧后之而治家处世循谨不苟督课予

妇礼法綦严不使流于逸欲他如捐学产捐社穀捐纪田任卹三党以及其他义举无不乐助其闾里有故通融不计厚利又岁饥平糶不较值遇纷难尽力排解以是以笃义忠厚传于乡而其待师长也以敬接宾客也以礼尤有出于至诚而非他人所能及者也福皆兄弟稍长能自知循谨而不敢隕越者实维吾父吾母教之诲之以得至有今日先生当亦不待余言而饴闻之久矣予闻福皆及平时乡里言故贤文澜先生夫妇之人好义亦贤福皆昆仲知礼之重其亲也夫得山水性情者其寿固有徵矣而况宅心仁厚其寿岂有涯哉爰美其行寿之以申告乡里人士为何如耶前湘阴县议会副议长代理湘阴县县长杨鼎嵩介盦氏顿首拜撰